



文選正文

山子點

三

~ 16
3344
4



門心16
號3344
卷4

文選正文卷之三

賦類

登樓賦

王粲

登茲樓以四望兮。聊暇日以消憂。覽斯宇之所處兮。實顯敞而寡仇。挾清漳之通浦兮。倚曲沮之長洲。背墳衍之廣陸兮。臨臯隰之沃流。北彌陶牧。西接昭丘。華實蔽野。黍稷盈疇。雖信美而非吾土兮。曾何足以少留。遭紛濁而遷逝兮。漫踰紀以迄今。情眷眷而懷歸兮。孰憂思之可任。憑軒檻以遙望兮。向北風而開襟。平原遠而極目兮。蔽荆山之高岑。路逶迤而修迤兮。川既漾而濟深。悲舊鄉之壅隔兮。涕橫墜而弗禁。昔尼父之在陳兮。有歸歎之歎音。鍾儀幽而楚奏兮。莊舄顯而

文選正文卷之三

昭
41年12月20日寄
原守三郎氏贈

越吟人情同於懷士兮豈窮達而異心惟日月之逾邁兮俟
河清其未極冀王道之一平兮假高衢而騁力懼匏瓜之徒
懸兮畏井渫之莫食步棲遲以徙倚兮白日忽其將匿風蕭
瑟而並興兮天慘慘而無色獸狂顧以求羣兮鳥相鳴而舉
翼原野闐其無人兮征夫行而未息心悽愴以感發兮意忪
怛而惛惛循階除而下降兮氣交憤於胃臆夜參半而不寐
兮悵盤桓以反側

遊天台山賦

并序

孫綽

天台山者蓋山嶽之神秀也涉海則有方丈蓬萊登陸則有
四明天台皆玄聖之所遊化靈仙之所窟宅夫其峻極之狀
嘉祥之美窮山海之瓌富盡人神之壯麗矣所以不列於五

嶽闕載於常典者豈不以所立冥奧其路幽迴或倒景於重
溟或匿峰於千嶺始經魑魅之塗卒踐無人之境舉世罕能
登陟王者莫由禋祀故事絕於常篇名標於奇紀然圖像之
興豈虛也哉非夫遺世翫道絕粒茹芝者烏能輕舉而宅之
非夫遠寄冥搜篤信通神者何肯遙想而存之余所以馳神
運思晝詠宵興俛仰之間若已再升者也方解纓絡永託茲
嶺不在吟想之至聊奮藻以散懷

太虛遼廓而無閔運自然之妙有融而為川瀆結而為山阜
嗟台嶽之所奇挺實神明之所扶持蔭牛宿以曜峯託靈絨
以正基結根彌於華岱直指高於九疑應配天於唐典齊峻
極於周詩邈彼絕域幽邃窈窕近智者以守見而不之之者

以路絕而莫曉。晒夏蟲之疑冰。整輕翮而思矯。理無隱而不彰。啓奇以示兆。赤城霞起以建標。瀑布飛流以界道。覩靈驗而遂徂。忽乎吾之將行。仍羽人於丹丘。尋不死之福庭。苟台嶺之可攀。亦何羨於層城。釋域中之常戀。暢超然之高情。被毛褐之森森。振金策之鈴鈴。披荒榛之蒙龍。陟峭嶠之崢嶸。濟樾溪而直進。落五界而迅征。跨穹隆之懸磴。臨萬丈之絕冥。踐莓苔之滑石。搏壁立之羣屏。攬樛木之長蘿。援葛藟之飛莖。雖一冒於垂堂。乃永存乎長生。必契誠於幽昧。履重險而逾平。既克濟於九折。路威夷而脩通。恣心日之寥朗。任緩步之從容。藉萋萋之織草。蔭落落之長松。覩翔鸞之裔裔。聽鳴鳳之嗚嗚。過靈溪而一濯。疏煩想於心曾。蕩遺塵於旋

流。發五蓋之遊蒙。追羲農之絕軌。躡一老之玄蹤。陟降信宿。迄于仙都。雙闕雲竦。以火路瓊臺中天。而懸居朱閣玲瓏於林間。玉堂蔭映於高隅。彤雲斐薨。以翼孺。皦日炯晃於綺疏。八桂森挺。以凌霜。五芝含秀。而晨敷。惠風佇芳於陽林。醴泉涌潤於陰渠。建木滅景於千尋。琪樹璀璨而垂珠。王喬控鶴以冲天。應真飛錫以躡虛。騁神變之揮霍。忽出有而入無。於是遊覽既周。體靜心閒。害馬已去。世事都捐。投刃皆虛。目牛無全疑。思幽巖朗詠。長川爾乃羲和亭午。遊氣高褰。法鼓琅以振響。衆香馥以揚烟。肆覲大宗。爰集通仙。挹以玄玉之膏。漱以華池之泉。散以象外之說。暢以無生之篇。悟遣有之不盡。覺涉無之有間。泯色空以合跡。忽卽有而得玄。釋一名之

同出消一無於三幡恣語樂以終日等寂默於不言渾萬象
以冥觀兀同體於自然

燕城賦

鮑昭

瀟池平原南馳蒼梧漲海北走紫塞鴈門拖以漕渠軸以崑
岡重江複關之隩四會五達之莊當昔全盛之時車挂轡人
駕肩塵閉撲地歌吹沸天孽貨鹽田鎗利銅山才力雄富士
馬精妍故能侈秦法佚周令劃崇墉列濬洫圖脩世以休命
是以板築雉堞之殷井幹烽櫓之勤格高五嶽袤廣三墳崕
若斷岸轟似長雲製磁石以禦衝糊積壤以飛文觀基局之
固護將萬祀而一君出入三代五百餘載竟瓜剖而豆分澤
葵依井荒葛蔓塗壇羅虺蜃階闕廢廳木魅山鬼野鼠城狐

風嗥雨嘯昏見晨趨饑鷹厲吻寒鴟嚇雛伏虺藏虎乳血餐
膚崩榛塞路崢嶸古堠白楊早落塞草前衰稜稜霜氣款款
風威孤蓬自振驚砂坐飛灌莽杳而無際叢薄紛其相依通
池既已夷峻隅又以頽直視千里外唯見起黃埃疑思寂聽
心傷已摧若夫藻扇繡帳歌堂舞閣之基璇淵碧樹弋林釣
渚之館吳蔡齊秦之聲魚龍爵馬之玩皆薰歇燼滅光沈響
絕東都妙姬南國麗人蕙心紉質玉貌絳唇莫不埋冤幽石
委骨窮塵豈憶同舉之愉樂離宮之苦辛哉天道如何吞恨
者多抽琴命操爲燕城之歌歌曰邊風急兮城上寒井徑滅
兮丘隴殘千齡兮萬代共盡兮何言

魯靈光殿賦

并序

王延壽

晉靈光殿者蓋景帝程姬之子恭王餘之所立也初恭王始都下國好治宮室遂因魯僖基兆而營焉遭漢中微盜賊奔突自西京未央建章之殿皆見墮壞而靈光歸然獨存意者豈非神明依憑支持以保漢室者也然其規矩制度上應星宿亦所以永安也予客自南鄙觀藝於魯觀斯而聆曰嗟乎詩人之興感物而作故奚斯頌僖歌其路寢而功績存乎辭德音昭乎聲物以賦顯事以頌宣匪賦匪頌將何述焉遂作賦曰

粵若稽古帝漢祖宗濬哲欽明殷五代之純熙紹伊唐之炎精荷天衢以元亨廓宇宙而作京敷皇極以創業協神道而太寧於是百姓昭明九族敦序乃命孝孫俾侯于魯錫介珪

以作瑞宅附庸而開宇乃立靈光之秘殿配紫微而為輔承明堂於少陽昭列顯於奎之分野瞻彼靈光之為狀也則嗟噉第鬼危魏嚙唼吁可畏乎其駭人也迢遶侗儻豐麗博敞洞鬱軼兮其無垠也邈希世而特出羗瓌謫而鴻紛屹山峙以紆鬱隆崛吻乎青雲鬱坱圠以增峻嶺綉綺而龍鱗汨磴礎以璀璨赫燁燁而燭坤狀若積石之鏘鏘又似乎帝室之威神崇墉闢連以嶺屬朱闕巖巖而雙立高門擬于閭闔方二軌而並入於是乎乃歷夫太階以造其堂俯仰顧眄東西周章彤彩之飾徒何為乎涿涿泔泔流離爛熳皓壁皜曜以月照丹柱欵施而電燧霞駁雲蔚若陰若陽濯灑燐亂煌煌煌煌隱陰夏以中處濤寒竊以崢嶸鴻曠煒以燦閭騰蕭條

而清冷動滴瀝以成響成雷應其若驚耳嘈嘈以失聽目矍矍而喪精駢密石與琅玕齊玉璫與璧英遂排金扉而北入宵藹藹而踰曖旋空嫵媚以窈窕洞房叫窸而幽邃西廂踟躕以閑宴東序重深而奧祕屹睥睨以勿罔屑厲翳以懿渾寬悚悚其驚斯心惺惺而發悸於是詳察其棟宇觀其結構規矩應天上憲紫殿偏佹雲起欽峯離樓三間四表八維九隅萬楹叢倚磊砢相扶浮柱昭帶以星懸漂曉峴而枝柱飛梁偃蹇以虹指揭遽遽而騰湊層檻礫佹以戾戾曲枅要紹而環勾芝栴攢羅以戟香枝掌杈捩而斜據倚天矯以橫出互黝糾而搏負下弗蔚以璣錯上崎嶇而重注捷獵鱗集支離分赴縱橫駱驛各有所趣爾乃懸棟結阿天窓綺踈圓淵

牛起切

方井反植荷渠發秀吐榮茵苜披敷綠房紫葍的宿葩垂珠雲綵藻悅龍旃彫鏤飛禽走獸因木生姿奔虎攫拏以梁倚佹奮躡而軒髻虬龍騰驤以蜿壇領若動而躩踞朱鳥舒翼以峙衡騰蚺蟻蚪而遠接白鹿孑蛻於樽檻蟠螭宛轉而承楹狡虎踞伏於柎側援狄攀椽而相追玄熊蚺蝥以齟齬却負戴而踳躑齊首目以瞪眙徒脈脈而标标胡人遙集於上楹儼雅颯而相對佻欺惇以鵬耽頤頤而睽睽狀若悲愁於危處憮頰感而含悴神仙岳岳於棟間七女闕窻而下視忽矚眇以響像若鬼神之髮鬣圖畫天地品類羣生雜物奇怪山神海靈寫載其狀託之丹青千變萬化事各繆形隨色象類曲得其情上紀開闢遂古之初五龍比翼人皇九頭伏羲

文選卷之二十一

鱗身女媧蛇軀鴻荒樸畧厥狀睚眦煥炳可觀黃帝唐虞軒
冕以庸衣裳有殊下及三后淫妃亂主忠臣孝子烈士貞女
賢愚成敗靡不載敘惡以誠世善以示後於是乎連閣承宮
馳道周環陽榭外望高樓飛觀長塗升降軒檻曼延漸臺臨
池層曲九成屹然特立的爾殊形高徑華蓋仰看天庭飛陛
揭孽緣雲上征中坐垂景頽視流星千門相似萬戶如一巖
突洞出透迤詰屈周行數里仰不見日何宏麗之靡靡咨用
力之妙勤非夫通神之俊才誰能尅成乎此勳據坤靈之寶
勢承蒼昊之純殷包陰陽之變化合元氣之烟熾玄醴騰涌
於陰溝甘露被宇而下臻朱桂黝儵於南北蘭芝婀娜於東
西祥風翕習以颯灑激芳香而常芬神靈扶其棟宇歷千載
而彌堅永安寧以祉福長與大漢而久存實至尊之所御保
延壽而及子孫苟可貴其若斯孰亦有云而不珍亂曰彤彤
靈宮巋巋穹崇紛尾鴻兮崩崩嶺峯崑崙巖駢龍嶽兮連
拳偃蹇崙嶽踈蹉俯歌傾兮歌歎幽靈覆靈壽洞杳冥兮
葱翠紫蔚礧礧瑰璋含光晷兮窮奇極妙棟宇已來未之有
兮神之營之瑞我漢室永不朽兮

景福殿賦

何晏

大哉惟魏世有哲聖武創元基文集大命皆體天作制順時
立政至于帝皇遂重熙而累盛遠則襲陰陽之自然近則本
人物之至情上則崇稽古之弘道下則闡長世之善經庶事
既康天秩孔明故載祀三三而國富刑清歲三月東巡狩至

於許昌望祠山川考時度方存問高年率民耕桑越六月既望林鍾紀律大火昏正桑梓繁蕪大雨時行三事九司宏儒碩生相與感乎溽暑之伊鬱而慮性命之所平惟岷越之不靜寤征行之未寧乃昌言曰昔在蕭公暨于孫卿皆先識博覽明允篤誠莫不以爲不壯不麗不足以一民而重威靈不飾不美不足以訓後而不厥成故當時享其功利後世賴其英聲且許昌者乃大運之攸戾圖讖之所旌苟德義其如斯夫何宮室之勿營帝曰俞哉玄輅旣駕輕裘斯御乃命有司禮儀是具審量日力詳度費務鳩經始之黎民輯農功之暇豫因東師之獻捷就海孽之賄賂立景福之秘殿備皇居之制度爾乃豐層覆之耽耽建高基之堂堂羅疏柱之汨越肅

坻鄂之鏘鏘飛欄翼以軒翥反宇轍以高驤流羽毛之葳蕤垂環珞之琳琅參旗九旒從風飄揚皓皓盱眙丹彩煌煌故其華表則鎬鎬鏘鏘赫奕章灼若日月之麗天也其奧秘則翳蔽曖昧髣髴退概若幽星之纏連也旣櫛比而攢集又宏璉以豐敞兼苞博落不常一象遠而望之若摘朱霞而耀天文迫而察之若仰崇山而戴垂雲嗟瓌瑋以壯麗紛或或其難分此其大較也若乃高甍崔嵬飛宇承寬縣蠻黠壽隨雲融泄鳥企山峙若翔若滯峨峨喋喋罔識所屆雖離朱之至精猶眩曜而不能昭晰也爾乃開南端之豁達張筍虡之輪幽華鐘杙其高懸悍獸仡以儼陳體洪剛之猛毅聲訇礮其若震爰有遐狹錄質輪茵坐高門之側堂彰聖主之威神芸

若克庭槐楓被宸綬以萬年。絳以紫榛或以嘉名。取寵或以
美材。見珍結實。商秋敷華。青春藹藹。萋萋馥馥。芬芬爾其結
櫛。則脩梁彩制。下褰上奇。桁梧復疊。勢合形離。葩如宛虹。赫
如奔螭。南岨陽榮。北極幽崖。任重道遠。厥庸孔多。於是列棻
形之繡樹。垂琬琰之文璫。螭若神龍之登降。灼若明月之流
光。爰有荼桴。勒分翼張。承以陽馬。接以圓方。斑間賦白。疎密
有章。飛柳鳥踊。雙轅是荷。赴險凌虛。獵捷相和。皎皎白間。離
離列錢。晨光內照。流景外燧。烈若鉤星。在漢渙若雲梁。承天
駟徙增錯。轉縣成郭。茄密倒植。吐被芙蓉。繚以藻井。編以綵
疏。紅葩鞞鞞。丹綺離婁。齒莖艷翕。織縟紛敷。繁飾累巧。不可
勝書。於是蘭栢積重。窶數矩設。櫺櫺各落。以相承。欒棋天嶠。

而交結命楹。齊列玉鳥承跋。青瑣銀鋪。是爲闔闔。雙枚旣脩。
重桴乃飾。槐栢緣邊。周流四極。俟衛之班。藩服之職。溫房承
其東序。涼室處其西偏。開建陽則朱炎豔。啓金光則清風臻。
故冬不淒寒。夏無炎燁。鈞調中適。可以永年。墉垣碣基。其光
照照。周制白盛。今也維縹。落帶金釭。此焉一等明珠。羣羽往
往。而在欽先王之允塞。悅重華之無爲。命其工使作。續明五
采之彰施。圖象古昔。以當箴規。椒房之列。是準是儀。觀虞姬
之容止。知治國之佞臣。見姜后之解佩。寤前世之所遵。賢鍾
離之讜言。懿楚樊之退身。嘉班妾之辭輦。偉孟母之擇隣。故
將廣智必先多聞。多聞多雜。多雜眩真。不眩焉在。在乎擇人。
故將立德必先近仁。欲此禮之不僞。是以盡乎行道之先民。

朝觀夕覽何與書紳若乃階除連延蕭曼雲征標檻邛張鉤
錯矩成楮類騰蛇相似瓊英如螭之蟠如虬之停玄軒交登
光藻昭明朝虞承獻素質仁形彰天瑞之休顯照遠戎之來
庭陰堂承北方軒九戶右个清宴東西其宇連以永寧安昌
臨圃遂及百于後宮攸處處之斯何窈窕淑女思齊徽音聿
求多祐其祐伊何宜爾孫子克明克哲克聰克敏永錫難老
兆民賴止於南則有承光前殿賦政之宮納賢用能詢道求
中疆理宇宙甄陶國風雲行雨施品物咸融其西則有左城
右平講肄之場二六對陳殿翼相當俯脫承便益象戎兵察
解言歸譬諸政刑將以行令豈惟娛情鎮以崇臺實曰永始
覆閣重闢猖狂是俟京庾之儲無物不有不虞之戒於是焉

取爾乃建凌雲之層盤浚虞淵之靈沼清露灑灑淥水浩浩
樹以嘉木植以芳草悠悠玄魚鱗鱗白鳥沈浮翺翔樂我皇
道若乃此龍灌注溝洫交流陸設殿館水方輕舟篳篥鷓鴣
鷺瀨戲鰓鮒豐侔淮海富眼山丘叢集委積焉可殫籌雖咸
池之壯觀夫何足以比儔於是揭以高昌崇觀表以建城峻
廬宮巖峯立崔嵬巒居飛閣干雲浮階乘虛遙日九野遠覽
長圖俯看三市孰有誰無覩農人之耘耔亮稼穡之艱難惟
饗年之豐寡思無逸之所歎感物衆而思深因居高而慮危
惟天德之不易懼世俗之難知觀器械之良窳察俗化之誠
偽瞻貴賤之所在悟政刑之夷波亦所以省風助教豈惟盤
樂而崇侈靡屯方列署二十有二星居宿陳綺錯鱗比辛壬

癸甲爲之名秩。房室齊均。堂庭如一。出此人彼欲。反忘術。惟
工匠之多端。固萬變之不窮。物無難而不知。乃與造化乎。比
隆。讐天地以開基。並列宿而作制。制無細而不協。於規景作
無微而或違。於水泉故其增構如積。植木如林。區連域絕。葉
比枝分離。背別趣。駢田胥附。縱橫踰延。各有攸注。公輸荒其
規矩。匠石不知其所斲。既窮巧於規摹。何彩章之未殫。爾乃
文以朱綠飾。以碧丹點。以銀黃爍。以琅玕光明。煇煇文彩。璘
璘清風萃而成響。朝日曜而增鮮。雖崑崙之靈宮。將何以乎。
侈旃。規矩既應乎天地。舉措又順乎四時。是以六合元亨。九
有雍熙。家懷克讓之風。人詠康哉之詩。莫不優游以自得。故
淡泊而無所思。歷列辟而論功。無今日之至治。彼吳蜀之湮

滅。固可翹足而待之。然而聖上猶孜孜靡忒。求天下之所以
自悟。招忠正之士。開公道之路。想周公之昔戒。慕咎繇之典
謨。除無用之官。省生事之故。絕流遁之繁。禮反人情之太素。
故能翔岐陽之鳴鳳。納虞氏之白環。蒼龍覲於陂塘。龜書出
於河源。醴泉涌於池圃。靈芝生於丘園。總神靈之貺。祐集華
夏之至歡。左四三皇而六五帝。曾何周夏之足言。

海賦

木華

昔在帝媯。巨唐之世。天網溥濟。瀆爲涸。爲瘵。洪濤瀾汗。萬里無
際。長波溶漑。迤延八裔。於是乎禹也。乃鑿臨崖之阜。陸決陂
潰。而相浚。啓龍門之峯。嶺墜陵巒。而斬鑿羣山。既畧百川。潛
滌決。澹澹兮騰傾。赴勢江河。既導萬穴。俱流。挾五嶽。竭涸

九州瀝滴滲淫蒼蔚雲霧消流決瀆莫不來注於廓靈海長
爲委輸其爲廣也其爲怪也宜其爲大也爾其爲狀也則乃
激澗激澗浮天無岸冲澗沉澗渺瀰淡漫波如連山乍合乍
散嘘噓百川洗滌淮漢襄陵廣島滂瀉浩汗若乃大明撫纏
於金樞之穴翔陽逸駭於扶桑之津影沙碧石蕩颺島濱於
是鼓怒溢浪揚浮更相觸搏飛沫起濤狀如天輪膠戾而激
轉又似地軸挺拔而爭迴岑嶺飛騰而反覆五岳鼓舞而相
碰滑瀆淪而滄漭鬱泐迭而隆頽盤盪激而成窟湧湍激而
爲魁泐泊柏而逃颺磊磊旬而相壓驚浪雷奔駭水迸集開
合解會漲漲濕濕葩華蹴沚頊濤溦溦若乃霾曠潛銷莫振
莫踈輕塵不飛纖羅不動猶尚呀呷餘波獨湧澎澎鬱碾碾

磊山壘爾其枝岐湮淪勃蕩成汜垂鬢隔夷迴互萬里若乃
偏荒速告王命急宣飛駿鼓柝汎海凌山於是候勁風揭百
尺維長綯挂帆席望濤遠決罔然鳥逝鷗如驚鳧之失侶倏
如六龍之所掣一越三千不終朝而濟所屆若其負穢臨深
虛誓愈祈則有海童邀路馬銜當蹊天吳乍見而鬚髯蝟像
暫曉而閃屍羣妖遶迓眇睇冷夷決帆摧撞戕風起惡廓如
靈變惚恍幽暮氣似天霄鬢鬢雲布霍昱絕電白色妖露呵
嗽掩鬱矇眈無度飛滂相礮激勢相泐崩雲屑雨法法汨汨
既踴湛灤沸潰滄溢灌泝濶渭蕩雲沃且於是舟人漁子徂
南極東或屑沒於鼉鼉之穴或挂骨於岑敷之峰或掣掣洩
洩於裸人之國或汎汎悠悠於黑齒之邦或乃萍流而浮轉

或因歸風以自反徒識觀怪之多駭乃不悟所歷之近遠爾
其大量也則南滄朱崖北灑天墟東演析木西薄青徐經途
溲漠萬萬有餘吐雲霓含龍魚隱鯢鱗潛靈居豈徒積太顛
之寶貝與隨侯之明珠將世之所收者常聞所未名者若無
且希世之所聞惡審其名故可仿像其色鑿蠶其形爾其水
府之內極深之庭則有崇島巨壑崢嶸孤亭摩洪波指太清
竭磐石樓白靈颺凱風而南逝廣莫至而北征其垠則有天
琛水怪鮫人之室瑕石詭暉鱗甲異質若乃雲錦散文於沙
汨之際絞羅彼光於螺蚌之節繁采揚華萬色隱鮮陽冰不
冷陰火潛然熒炭重燔吹烟九泉朱燼綠煙暖眇蟬蛸魚則
橫海之鯨突抗孤遊憂巖數偃高濤茹鱗甲吞龍舟噏波則

洪連踈躡吹滂則百川倒流或乃踳躅窮波陸死鹽田巨鱗
挿雲鬢鬣刺天顛骨成嶽流膏爲淵若乃巖坻之隈沙石之
嵌毛翼產殼剖卵成禽鳧雛離襪鶴子淋滲羣飛侶浴戲廣
浮深翔鶩連軒洩洩淫淫翻動成雷擾翰爲林更相叫嘯詭
色殊音若乃三光旣清天地融朗不汎陽侯乘躋絕往覲安
期於蓬萊見喬山之帝像羣仙縹眇餐玉清涯履阜鄉之畱
鳥被羽翮之穆襪翔天沼戲窮溟甄有形於無欲永悠悠以
長生且其爲器也包乾之奧括坤之區惟神是宅亦祇是廬
何奇不有何怪不備茫茫積流含形內虛曠哉坎德卑以自
居弘往納來以宗以都品物類生何有何無

江賦

郭璞

若天開觸曲崖以縈繞駭崩浪而相礪鼓合窟以涌渤乃溢
湧而駕隈魚則江豚海狝叔鮪玉鱸鰒鯨鯨鮪鯨鯢鯢鯢鯢或
鹿筋象鼻或虎狀龍顏鱗甲錐錯煥爛錦斑揚鬣掉尾噴浪
飛颺排流呼哈隨波遊延或曝采以見淵或赫鯢乎巖間介
鯨乘濤以出入鱖鮠順時而往還爾其水物怪錯則有潛鵠
魚牛虎蛟鈎蛇蝮蟄蠶蠟鱗鼈鼉龍玉珧海月土肉石葦三
蠖蚌江鸚螺蛭蝸瓊蛤腹蟹水母目蝦紫蚘如渠洪蚶專車
瓊蚌晞曜以瑩珠石蛙應節而揚葩蛭蝓森衰以垂翹玄蠖
魄礫而碾啞或泛激於潮波或混淪乎泥沙若乃龍鯉一角
奇鷁九頭有鼈三足有龜六眸積螫脚躍而吐璣文鯢磬鳴
以孕珍修螭拂翼而掣耀神蜈蟻蟪以沈遊駢馬騰波以噓

喋水兕雷咆乎陽侯淵客聚室於巖底鮫人構館於懸流電
布餘糧星離沙鏡青綸競糾縉組爭映紫菜笑擘以叢被綠
苔鬚鬚乎研上石帆蒙龍以蓋嶼萍實時出而漂泳其下則
金礦丹礫雲精燭銀瑤瓊瑰水碧潛曙鳴石列於陽渚浮
磬肆乎陰濱或頰彩輕漣或焞曜涯鄰林無不溽岸無不津
其羽族也則有晨鵠天雞鸚鵡鷺鷥揚鳥爰翔于以玄月于
類萬聲自相喧聒濯翮疏風鼓翅翩翩揮弄灑珠拊拂瀑沫
集若霞布散如雲霧產能積羽往來勃碣檉杞積薄於潯浹
協捷森嶺而羅峰桃枝篔簹實繁有叢葭蒲雲蔓櫻以蘭紅
揚晴朧摧紫茸陰潭隩被長江繁蔚芳薜隱藹水松涯灌芊
葉潛蒼葱龍鯨鮪崎蹠於垠隄獫狽駘乎廢空迅唯臨虛

以騁巧孤獲登危而雍容夔作翹陸於夕陽鴛雛弄翮乎山
東因岐成渚觸澗開渠漱壑生浦區別作湖澄之以滌瀆滌
之以尾間標之以翠翳泛之以遊菰播匪藝之芒種挺自然
之嘉蔬鱗被菱荷攢布水菰翹莖藻澤潏散裹隨風荷莖
與波潭池流光潛映景炎霞火其旁則有雲夢雷池彭蠡青
草具區洮瀾珠滢丹濼極望數百沆瀣晶漾爰有包山洞庭
巴陵地道潛逢旁通幽岫窈窕金精玉英瑱其裏瑤珠怪石
絳其表驪蚪穆其址稍雲冠其嶠海童之所巡遊琴高之所
靈矯冰夷倚浪以傲睨江妃含嚙而騁眺撫凌波而鳧躍吸
翠霞而天矯若乃宇宙澄寂八風不翔舟子於是擲棹涉人
於是檣榜漂飛雲運餘艗舳艫相屬萬里連檣沂泗泂流或

即計切
論

漁或商赴交益投幽浪竭南極窮東荒爾乃緒雲侵於清旭
峴五兩之動靜長風擘以增扇廣莫颺而氣整徐而不駸疾
而不猛鼓帆迅越起漲截河凌波縱施電往杳溟靄如晨霞
孤征眇若雲翼絕嶺倏忽數百千里俄頃飛廉無以瞻其蹤
渠黃不能企其景於是蘆人漁子擯落江山衣則羽褐食則
蔬鱸拊澗為泔夾激羅筓筒灑連鋒管雷比船或揮輪於懸
崎或中瀨而橫旋忽忘夕而宵歸詠採菱以叩舷傲自足於
一軀尋風波以窮年爾乃域之以盤巖豁之以洞壑疏之以
池汜鼓之以朝夕川流之所歸湊雲霧之所蒸液珍怪之所
化產瑰奇之所窟宅納隱淪之列真挺異人乎精魄播靈澗
於千里越岱宗之觸石及其譎變儵况符祥非一動應無方

感事而出經紀天地錯綜人術妙不可盡之於言事不可窮之於筆若乃岷精垂曜於東井陽侯遜形乎大波奇相得道而宅神乃協靈爽於湘娥駭黃龍之負舟識伯禹之仰嗟壯荆飛之擒蛟終成氣乎太阿悍要離之圖慶在中流而推戈悲靈均之任石歎漁父之權歌想周穆之濟師驅八駿於龍鼉感交甫之喪珮慙神使之嬰羅煥大塊之流形混萬盡於一科保不虧而永固稟元氣於靈和考川瀆之妙觀實莫著於江河

風賦

宋玉

楚襄王遊於蘭臺之宮宋玉景差侍有風颯然而至王乃披襟而當之曰快哉此風寡人所與庶人共者邪宋玉對曰此

獨大王之風耳庶人安得而共之上曰夫風者天地之氣溥暢而至不擇貴賤高下而加焉今子獨以爲寡人之風豈有說乎宋玉對曰臣聞於師枳句來巢空穴來風其所託者然則風氣殊焉王曰夫風始安生哉宋玉對曰夫風生於地起於青蘋之末侵淫谿谷盛怒於土囊之口緣太山之阿舞於松柏之下飄忽湖海激颺燥怒耿耿雷聲迴穴錯迭墜石伐木梢殺林莽至其將衰也被麗披離衝孔動捷响渙燦爛離散轉移故其清涼雄風則飄舉升降乘凌高城入于深宮邸華葉而振氣徘徊於桂椒之間翱翔於激水之上將擊芙蓉之精獵蕙草離秦蘅擊新夷被稊楊迴穴衡陵蕭條衆芳然後倘佯中庭北上玉堂躋于羅帷經于洞房迺得爲大王之

風也。故其風中人，狀直慴慴，惻惻，清涼增欷，清清泠泠，愈病析醒，發明耳目，寧體使人。此所謂大王之雄風也。王曰：善哉！論事夫庶人之風，豈可聞乎？宋玉對曰：夫庶人之風，喟然起於窮巷之間，坳堦揚塵，勃鬱煩冤，衝孔襲門，動沙堞，吹死灰，駭溷濁，揚腐餘，邪薄入，墮牖，至於室廬，故其風中人，狀直慴，溷鬱邑，毆溫致溼，中心慘怛，生病造熱，中脣為胗，得目為瞍，喟齟嗽獲，死生不卒，此所謂庶人之雌風也。

秋興賦

并序

潘岳

晉十有四年，余春秋三十有二，始見一毛。以太尉掾兼虎賁中郎將，寓直于散騎之省，高閣連雲，陽景罕曜，埤岬而襲，紈綺之士，此焉遊處，僕野人也，偃息不過茅屋茂林之下，談

話不過農夫田父之客，攝官承之，猥廁朝列，夙興晏寢，匪遑底寧，譬猶池魚籠鳥，有江湖山藪之思，於是染翰操紙，慨然而賦于時秋也。故以秋興命篇。其辭曰：
四運忽其代序兮，萬物紛以廻薄。覽花萼之時首兮，察盛衰之所託。感冬索而春敷兮，嗟夏茂而秋落。雖末士之策悴兮，伊人情之美惡。善乎宋玉之言曰：悲哉秋之為氣也！蕭瑟兮，草木搖落而變衰；慘慄兮，若在遠行，登山臨水，送將歸夫。送歸懷慕，徒之戀兮，遠行有羈旅之憤。臨川感流以歎逝兮，登山懷遠而悼近。彼四感之疚心兮，遭一塗而難忍。嗟秋日之可哀兮，諒無愁而不盡。野有歸燕，隰有翔隼，游氛朝興，搗葉夕隕。於是乃屏輕箑，釋織絺，藉莞蒹，御袷衣，庭樹撼以灑落。

兮。勁風戾而吹帷。蟬嘒嘒以寒吟。兮。鴈飄飄而南飛。天晃朗以彌高。兮。日悠陽而浸微。何微陽之短晷。覺涼夜之方永。月墮隴以含光。兮。露淒清以凝冷。熠燿粲於階闈。兮。蟋蟀鳴乎軒屏。聽離鴻之晨吟。望流火之餘景。宵耿介而不寐。兮。獨展轉於華省。悟時歲之邁盡。兮。慨悅首而自省。斑鬢彪以承弁。兮。素髮颯以垂領。仰羣儁之逸軌。兮。攀雲漢以遊騁。登春臺之熙熙。兮。珥金貂之炯炯。苟趣舍之殊途。兮。庸詎識其踈靜。聞至人之休風。兮。齊天地於一指。彼知安而忘危。兮。固出生而入死。行投趾於容跡。兮。殆不踐而獲底。闕側足以及泉。兮。雖猴援而不履。龜爬骨於宗祧。兮。思反身於綠水。且歛衽以歸來。兮。忽投紱以高厲。耕東臯之沃壤。兮。輸黍稷之餘稅。泉

雪賦

謝惠連

滂滂於石間兮。菊揚芳乎崖澗。淥淥秋水之涓涓兮。玩游鯈之澌澌。逍遙乎山川之阿。放曠乎人間之世。優哉游哉。聊以卒歲。歲將暮時。既昏寒風。積愁雲繁。梁王不悅。遊於兔園。乃置旨酒。命賓友。召鄒生。延枚叟。相如未至。居客之右。俄而微霰零密。雪下。王乃歌。北風於衛詩。詠南山於周雅。授簡於司馬大。夫曰。抽子秘思。騁子妍辭。侔色揣稱。為寡人賦之。相如於是。避席而起。逡巡而揖。曰。臣聞雪宮建於東國。雪山峙於西域。岐昌發詠於來思。姬滿申歌於黃竹。曹風以麻衣比色。楚謠以幽蘭儷曲。盈尺則呈瑞於豐年。袤丈則表沴於陰德。雪之

時義遠矣哉。請言其始。若乃玄律窮嚴。氣升焦涸。湯谷凝
火。井滅溫泉。冰沸潭無。湧炎風不興。北戶墮扉。裸壤垂繒。於
是河海生雲。朔漠飛沙。連氛累霧。掩日韜霞。霰浙瀝而先集。
雪紛糅而遂多。其爲狀也。散漫交錯。氛氳蕭索。蕭蕭浮浮。漉
漉奕奕。聯翩飛灑。徘徊委積。始緣薨而冒棟。終開簾而入隙。
初嫵媚於墀廡。未繁盈於帷席。旣因方而爲珪。亦遇圓而成
璧。眇隰則萬頃同縞。瞻山則千巖俱白。於是臺如重壁。逵似
連瑤。庭列瑤階。林挺瓊樹。皓鶴奪鮮。白鷗失素。紉袖慙冷。玉
顏掩媿。若乃積素未虧。白日朝鮮。爛兮若燭。籠銜耀照。崑山
爾其流滴垂冰。綠雷承隅。祭兮若馮夷。剖蚌列明珠。至夫續
紛繁鷺之貌。皓汗皦潔之儀。迴散繁積之勢。飛聚凝曜之奇。

固展轉而無窮。嗟難得而備知。若乃申娛玩之無已。夜幽靜
而多懷。風觸楹而轉響。月承幌而通暉。酌湘吳之醇酎。御狐
貉之兼衣。對庭鷗之雙舞。瞻雲鴈之孤飛。折園中之萱草。擷
階上之芳薇。踐霜雪之交積。憐枝葉之相違。馳遙思於千里。
願接手而同歸。鄒陽聞之。慙然心服。有懷妍唱。敬接末曲。於
是乃作而賦積雪之歌。歌曰。攜佳人兮披重幄。援綺衾兮坐
芳褥。燎薰爐兮炳明燭。酌桂酒兮揚清曲。又續而爲白雪之
歌。歌曰。曲旣揚兮酒旣陳。朱顏醜兮思自親。願低帷以昵枕。
念解珮而褫紳。怨年歲之易暮。傷後會之無因。君寧見階上
之白雪。豈鮮耀於陽春。歌卒。王乃尋繹吟翫。撫覽扼腕。顧謂
枚叔起而爲亂。亂曰。白羽雖白。質以輕兮。白玉雖白。空守貞

文選卷之三
今未若茲雪因時興滅玄陰凝不昧其潔太陽曜不固其節
節豈我名潔豈我良憑雲升降從風飄零植物賦像在地班
形素因遇立污隨染成縱心皓然何慮何營

月賦

謝莊

陳王初喪應劉端憂多暇綠苔生閣芳塵凝榭悄焉疚懷不
怡中夜乃清蘭路肅桂苑騰吹寒山弭蓋秋坂臨瀆整而怨
遙登崇岫而傷遠于時斜漢左界北陸南躔白露曖空素月
流天沈吟齊章殷勤陳篇抽毫進牘以命仲宣仲宣跪而稱
曰臣東鄙幽介長自丘樊味道情學孤奉明恩臣聞沈潛既
義高明既經日以陽德月以陰靈擅扶光於東沼嗣若英於
西冥引玄兔於帝臺集素娥於后庭朐朐警闕朏魄示冲順

辰通燭從星澤風增華合室揚彩軒宮委照而吳業昌淪精
而漢道歇若夫氣霽地表雲歛天末洞庭始波木葉微脫菊
散芳於山椒鴈流哀於江瀨升清質之悠悠降澄暉之藹藹
列宿掩綈長河韜映采祗雪凝圓靈水鏡連觀霜縞周除冰
津清三乃厭晨歡樂宵宴收妙舞弛清縣去燭房即月殿芳
酒登鳴琴薦若乃涼夜自淒風篁成韻親懿莫從羈孤遞進
聆臯禽之夕聞聽朔管之秋引於是絃桐練響音容選和徘徊
迴房露惆悵陽阿聲林虛籟淪池滅波情紆軫其何託愬皓
月而長歌歌曰美人邁兮音塵闕隔千里兮共明月臨風歎
兮將焉歇川路長兮不可越歌響未終餘景就畢滿堂變容
迴暈如失又稱歌曰月既沒兮露欲晞歲方晏兮無與歸佳

期可以還微霜霑人衣陳王曰善乃命執事獻壽羞璧敬佩
玉音復之無斃

鵬鳥賦 并序

賈誼

誼爲長沙王傅三年有鵬鳥飛入誼舍止於坐隅鵬似鴉不
祥鳥也誼旣以謫居長沙長沙卑濕誼自傷悼以爲壽不得
長乃爲賦以自廣其辭曰

單閼之歲兮四月孟夏庚子日斜兮鵬集余舍止於坐隅兮
貌甚閑暇異物來萃兮私怪其故發書占之兮誠言其度曰
野鳥入室主人將去請問于鵬余去何之吉乎告我凶言其
災淹速之度兮語余其期鵬廼歎息舉首奮翼口不能言請
對以臆曰萬物變化兮固無休息幹流而遷兮或推而還形

氣轉續兮變化而壇沕穆無窮兮胡可勝言禍兮福所倚福
兮禍所伏憂喜聚門兮吉凶同城彼吳暈大兮夫差以敗越
棲會稽兮句踐霸世斯遊遂成兮卒被五刑傳說胥靡兮乃
相武丁夫禍之與福兮何異糾纏命不可說兮孰知其極水
激則悍兮矢激則遠萬物回薄兮振盪相轉雲蒸雨降兮糾
錯相紛大鈞播物兮塊垠無垠大不可預慮兮道不可預謀
遲速有命兮焉識其時且夫天地爲鑪兮造化爲工陰陽爲
炭兮萬物爲銅合散消息兮安有常則千變萬化兮未始有
極忽然爲人兮何足控搏化爲異物兮又何足患小智自私
兮賤彼貴我達人大觀兮物無不可貪夫徇財兮烈士徇名
夸者死權兮品庶每生休迫之徒兮或趨西東大人不曲兮

意變齊同。愚士繫俗兮，窘若囚拘。至人遺物兮，獨與道俱。衆人惑惑兮，好惡積億。真人恬漠兮，獨與道息。釋智遺形兮，超然自喪。廖廓忽荒兮，與道翱翔。乘流則逝兮，得坻則止。縱軀委命兮，不私與已。其生兮若浮，其死兮若休。澹乎若深淵之靜，泛乎若不繫之舟。不以生故自寶兮，養空而浮。德人無累兮，知命不憂。細故蒂芥兮，何足以疑。

鸚鵡賦 并序

爾衡

時黃祖太子射賓客大會，有獻鸚鵡者。舉酒於衡前曰：爾處士今日無用，娛賓竊以此鳥自遠而至。明慧聰善，羽族之可貴。願先生爲之賦，使四坐咸共榮觀，不亦可乎？衡因爲賦，筆不停綴，文不加點。其辭曰：

惟西域之靈鳥，挺自然之奇姿。體金精之妙質，含火德之明輝。性辯慧而能言，今才聰明以識機。故其嬉遊高峻，栖時幽深。飛不妄集，翔必擇林。紺趾丹觜，綠衣翠衿。采采麗容，皎皎好音。雖同族於羽毛，固殊智而異心。配鸞皇而等美，焉比德於衆禽。於是羨芳聲之遠暢，偉靈表之可嘉。命虞人於隴坻，詔伯益於流沙。跨崑崙而播弋，冠雲霓而張羅。雖網維之備設，終一目之所加。且其容止閑暇，守植安停。逼之不懼，撫之不驚。寧順從以遠害，不違忤以喪生。故獻全者受賞，而傷肌者被刑。爾乃歸窮委命，離羣喪侶。閉以彫籠，翦其翅羽。流飄萬里，崎嶇重阻。踰岷越嶂，載雁寒暑。女辭家而適人，臣出身而事主。彼賢哲之逢患，猶棲遲以羈旅。矧禽鳥之微物，能馴

擾以安處眷西路而長懷望故鄉而延佇忡陋體之腥臊亦
何勞於鼎俎嗟祿命之衰薄奚遭時之險巖豈言語以階亂
將不密以致危痛母子之永隔哀伉儷之生離匪餘年之足
惜愍衆雜之無知背蠻夷之下國侍君子之光儀懼名實之
不副恥才能之無奇羨西都之沃壤識苦樂之異空懷代越
之悠思故每言而稱斯若乃少昊司晨蓐收整轡嚴霜初降
涼風蕭瑟長吟遠慕哀鳴感類音聲悽以激揚容貌慘以顛
顛聞之者悲傷見之者隕淚放臣爲之屢歎棄妻爲之歔歔
感平生之遊處兮若墟篋之相須何今日之兩絕若胡越之
異區順權檻以俯仰闕戶牖以踟躕想崑山之高嶽思鄧林
之扶疏顧六翮之殘毀雖奮迅其焉如心懷歸而弗果徒怨
毒於一隅苟竭心於所事敢背惠而忘初託輕鄙之微命委
陋賤之薄軀期守死以報德甘盡辭以效愚恃降恩於既往
庶彌久而不渝

鷦鷯賦 并序

張華

鷦鷯小鳥也生於蒿萊之間長於藩籬之下翔集尋常之內
而生生之理足矣色淺體陋不爲人用形微處卑物莫之害
繁滋族類乘居匹遊翩翩然有以自得鷺鷥鷓鴣鴻孔雀翡翠
或陵赤霄之際或託絕垠之外翰舉足以冲天翮距足以
自備然皆負矰罽繳羽毛入貢何者有用於人也夫言有淺
而可以託深類有微而可以喻大故賦之云爾

何造化之多端兮播羣形於萬類惟鷦鷯之微禽兮亦攝生

而受氣育。翩翹之陋體。今無玄黃以自貴。毛弗施於器用。今肉不登乎俎。味鷹鷄過猶餓。今尚何懼於罾罟。鸞鷟蒙籠。是焉遊集。飛不飄颻。翔不翕習。其居易容。其求易給。巢林不過一枝。每食不過數粒。栖無所滯。遊無所盤。匪隨荆棘。匪榮萑蘭。動翼而逸。投足而安。委命順理。與物無患。伊茲禽之無知。分何處身之似。智不懷寶。以賈害。今不飾表以招累。靜守約而不矜。動因循以簡易。任自然以爲資。無誘慕於世。儻雕鷗介其背。距鴟鷲軼於雲際。鷓鴣窟於幽險。孔翠生乎遐裔。彼晨鳧與歸鴈。又矯翼而增逝。成美羽而豐肌。故無罪而皆斃。徒銜蘆以避繳。終爲戮於此世。蒼鷹鷲而受縲。鸚鵡惠而入籠。屈猛志以服養。塊幽繫於九重。變音聲以順旨。思摧翮

而爲庸。繼鍾代之林野。慕隴坻之高松。雖蒙幸於今日。未若疇昔之從容。海鳥鷗鷺。避風而至。條枝巨雀。踰嶺自致。提挈萬里。飄飄逼畏。夫唯體大妨物。而形瓌足瑋也。陰陽陶蒸。萬品一區。巨細舛錯。種繁類殊。鷦嶼巢於蚊睫。大鵬翔乎天隅。將以上方不足。而下比有餘。普天壤以遐觀。吾又安知其小大之所如。

赭白馬賦 并序

顏延之

驥不稱力。馬以龍名。豈不以國上威容。軍馱趨迅而已。實有騰光吐圖。疇德瑞聖之符焉。是以語崇其靈。世榮其至。我高祖之遺朱也。五方率職。四隩入貢。秘寶盈於玉府。文駟列乎華廡。乃有乘輿。赭白特稟逸異之姿。妙簡帝心。用錫聖阜。服

御順志馳驟合度齒歷雖長而藝美不忒襲養兼年恩隱周
渥歲老氣殫罄于內棧少盡其力有側上仁乃詔陪侍奉述
中旨末臣庸蔽敢同獻賦其辭曰

維宋二十有二載盛烈光乎重葉武義粵其肅陳文教迄已
優洽泰階之平可升興王之軌可接訪國美於舊史考方載
於往牒昔帝軒陟位飛黃服皂后唐膺錄赤文候日漢道亨
而天驥呈才魏德懋而澤馬效質伊逸倫之妙足自前代而
間出並榮光於瑞典登郊歌乎司律所以崇衛威神扶護警
蹕是用精曜叶從靈物咸秩暨明命之初基罄九區而率順
有異險以稟朔或踰遠而納賚聞王會之阜昌知函夏之克
勃總六服以收賢掩七戎而得駿蓋乘風之淑類實先景之

洪胤故能代駿象典歷配鉤陳齒筭延長聲價隆振信聖祖
之蕃錫留皇情而驟進徒觀其附筋樹骨垂梢植髮雙瞳夾
鏡兩權協月異體峰生殊相逸發超據絕夫塵轍驅鶩迅於
滅沒簡偉塞門獻狀絳闕且刷幽燕晝秣荆越教敬不易之
典訓人必書之舉惟帝惟祖爰遊爰豫飛輶軒以戒道環鼓
騎而清路勒五營使案部聲八鑿以節步具服金組兼飾丹
牘寶鏡星纏鑄章霞布進迫遮迺却屬輦輅欻登擢以鴻驚
時濩畧而龍翥強雄姿以奉引婉柔心而待御至於露滋月
蕭霜戾秋登王于興言闡肆威稜臨廣望坐百層料武藝品
驍騰流藻周施和鈴重設睨影高鳴將超中折分馳迥塲角
壯永埒別葦越羣絢練夔絕捷趨夫之斂手促華鼓之繁節

經玄蹄而電散。歷素支而冰裂。膺門沫赭。汗溝走血。跪迹廻唐。畜怒未洩。乾心降而微怡。都人仰而明悅。妍變之態既畢。凌遠之氣方屬。踞鑣轡之牽制。監通都之圈束。眷西極而驪首。望朔雲而蹠足。將使紫鸞駢銜。綠虵衛轂。織驪接趾。秀騏齊丁。覲王母於崑崙。奠帝臺於宣嶽。跨中州之轍迹。窮神行之軌躅。然而盤于遊畋。作鏡前王。肆於人上。取悔義方。天子乃輟駕。迴慮息徒。解裝鑿武穆憲文光。振民隱修國章。戒出豕之敗御。惕飛鳥之時衡。故祇慎乎所常。忽敬備乎所未防。輿有重輪之安。馬無泛駕之佚。處以濯龍之奧。委以紅粟之秩。服養知仁。從老得卒。加弊帷收仆質。天情周皇。恩畢亂曰。惟德動天。神物儀兮。於時駟駿充階。銜兮。稟靈月駟。祖雲螭兮。雄志僞儻。精權奇兮。既剛且淑。服鞿羈兮。効足中黃。狗驅馳兮。願終惠養。蔭本枝兮。竟先朝露。長委離兮。

舞鶴賦

鮑昭

散幽經以驗物。俾胎化之仙禽。鍾浮曠之藻質。抱清迥之明心。指蓬壺而翻翰。望崑閬而揚音。市日域以迴鶩。窮天步而高尋。踐神區其既遠。積靈祀而方多。精含丹而星曜。頂凝紫而煙華。引貪吮之纖婉。頓脩趾之洪姱。疊霜毛而弄影。振玉羽而臨霞。朝戲於芝田。夕飲乎瑤池。厭江海而遊澤。掩雲羅而見羈。去帝鄉之岑寂。歸人寰之喧卑。歲崢嶸而愁暮。心惆悵而哀離。於是窮陰殺節。急景凋年。涼沙振野。聳風動天。嚴嚴苦霧。皎皎悲泉。冰塞長河。雪滿羣山。既而氛昏夜歇。景物

澄廓星翻漢迴曉月將落感寒雞之早晨憐霜雁之遠漠臨
 驚風之蕭條對流光之照灼嘆清響於丹墀舞飛容於金閣
 始連軒以鳳踰終宛轉而龍躍躑躅徘徊迅騰摧驚身逢
 集矯翅雲飛離網別赴合緒相依將興中止若往而歸風杳
 矜顧遷延遲暮逸翮後塵翺翥先路指會規翔臨岐矩步態
 有遺妍貌無停趣奔機逗節角睐分形長揚緩驚並翼連聲
 輕迹凌亂浮影交橫衆變繁姿參差游密煙交霧凝若無毛
 質風去雨還不可談悉既散竟而盪目迷不知其所之忽星
 離而雲罷整神容而自持仰天居之崇絕更惆悵以驚思當
 是時也燕姬色沮巴童心耻巾拂兩停九劍雙止雖邯鄲其
 敢倫豈陽阿之能擬入衛國而乘軒出吳都而傾市守馴養
 於下齡結長悲於萬里

幽通賦

班固

系高瓊之玄冑兮氏中葉之炳靈飄凱風而蟬蛻兮雄朔野
 以颺聲皇十紀而鴻漸兮有羽儀於上京巨滔天而泯夏兮
 考遘愍以行譴終保已而貽則兮里上仁之所廬懿前烈之
 純淑兮窮與達其必濟咨孤蒙之眇眇兮將圯絕而罔階豈
 余身之足殉兮違世業之可懷靖潛處以永思兮經日月而
 彌遠匪黨人之敢捨兮庶斯言之不玷重煢煢與神交兮精
 誠發於宵寐夢登山而迥眺兮覲幽人之髣髴攬葛藟而授
 余兮眷峻谷日勿墜物昕寤而仰思兮心矇矇猶未察黃神
 邈而靡質兮儀遺識以臆對日乘高而選神兮道遐通而不

迷葛繇繇於樛木兮。詠南風以爲綏。蓋惴惴之臨深兮。乃二雅之所祗。既訊爾以吉象兮。又申之以炯戒。盍孟晉以迨羣兮。辰儵忽其不再。承靈訓其虛徐兮。佇盤桓而且俟。惟天地之無窮兮。鮮生民之晦在。紛屯遭與蹇連兮。何艱多而知寡。上聖迂而後拔兮。豈羣黎之所御。昔衛叔之御昆兮。昆爲寇而喪予。管彎弧欲斃讐兮。讐作后而成已。變化故而相詭兮。孰云預其終始。雍造怨而先賞兮。丁繇惠而被戮。栗取弔于道吉兮。王膺慶於所慶。叛迴穴其若茲兮。北叟頗識其倚伏。單治裏而外周兮。張修禿而內逼。事申餘爲庶幾兮。顏與冉又不得。溺招路以從已兮。謂孔氏猶未可安。惛惛不飽兮。卒隕身乎世禍。遊聖門而靡救兮。雖覆醢其何補。固行行其必

凶兮。免盜亂爲賴。道形氣發於根抵兮。柯葉彙而零茂。恐魍魎之責景兮。菴未得其云已。黎淳耀於高辛兮。辛彊大於南。汜羸取威於百儀兮。姜本支乎三趾。既仁得其信然兮。仰天路而同軌。東鄰虐而殲仁兮。王合位乎三五。戎女烈而喪孝兮。伯徂歸於龍虎。發還師以成命兮。重醉行而自糶。震鱗聚於夏庭兮。匝三正而滅姬。異羽化乎宜宮兮。彌五辟而成災。道脩長而世短兮。夙冥默而不周。胥仍物而鬼誼兮。乃窮宙而達幽。媯巢姜於孺筮兮。且筭祀於契龜。宣曹興敗於下夢兮。魯衛名謚於銘誥。妣聆呱而効石兮。許相理而鞠條。道混成而自然兮。術同原而分流。神先心以定命兮。命隨行以消息。幹流遷其不濟兮。故遭罹而羸縮。三樂同於一體兮。雖移

易而不忒洞參差其紛錯兮斯衆兆之所惑周賈盪而貢憤
 兮齊死生與禍福抗爽言以矯情兮信畏犧而忌鵬所貴聖
 人至論兮順天性而斷誼物有欲而不居兮亦有惡而不避
 守孔約而不貳兮乃輔德而無累三仁殊於一致兮夷惠舛
 而齊聲木偃息以蕃魏兮申重繭以存荆紀焚躬以衛上兮
 皓頤志而弗傾侯草木之區別兮苟能實其必榮要歿世而
 不朽兮乃先民之所程觀天網之紘覆兮實悲謔而相訓謨
 先聖之大猷兮亦鄰德而助信虞韶美而儀鳳兮孔忘味於
 千載素文信而底麟兮漢寶祚于異代精通靈而感物兮神
 動氣而入微養流睇而猿號兮李虎發而石開非精誠其焉
 通兮苟無實其孰信操末技猶必然兮矧耽躬於道真登孔

昊而上下兮緯羣龍之所經朝貞觀而夕化兮猶誼已而遺
 形若胤彭而偕老兮訴來哲而通情亂曰天造草昧立性命
 兮復心弘道惟聖賢兮渾元運物流不處兮保身遺名民之
 表兮舍生取誼亦道用兮憂傷天物忝莫痛兮皓爾太素曷
 渝色兮尚越其幾淪神域兮

思玄賦

張衡

仰先哲之玄訓兮雖彌高而弗違匪仁里其焉宅兮匪義跡
 其焉追潛服膺以永靖兮緜日月而不衰伊中情之信脩兮
 慕古人之貞節竦余身而順止兮遵繩墨而不跌志搏搏以
 應懸兮誠心固其如結旌性行以製珮兮佩夜光與瓊枝繡
 幽蘭之秋華兮又綴之以江蘼美襲積以酷烈兮允塵邈而

難虧既姱麗而鮮雙兮非是時之攸珍奮余榮而莫見兮播
余香而莫聞幽獨守此側陋兮敢怠違而舍勤幸二八之遇
虞兮嘉傳說之生殷尚前良之遺風兮悵後辰而無及何孤
行之恍恍兮子不羣而介立感鸞鷲之特棲兮悲淑人之希
合彼無合其何傷兮患衆僞之冒真旦獲艱于羣弟兮啓金
滕而後信覽蒸民之多僻兮畏立辟以危身曾煩毒以迷惑
兮嗟孰可以爲言已私湛憂而深懷兮思續紛而不理願竭
力以守義兮雖貧窮而不改執雕虎而試象兮帖焦原而跟
止庶斯奉趾以周旋兮要既死而後已俗遷渝而事化兮泯
規矩之圓方寶蕭艾於重笥兮謂蕙芷之不香斥西施而弗
御兮繫騾裹以服箱行頗僻而獲志兮循法度而離殃惟天

地之無窮兮何遭遇之無常不抑操而苟容兮譬臨河而無
航欲巧笑以千婚兮非余心之所嘗襲溫恭之黻衣兮被禮
義之繡裳辨貞亮以爲鑿兮雜伎藝以爲珩昭綵藻以瑀璆
兮璜聲遠而彌長淹樓遲以恣欲兮曜靈怒其西藏恃已知
而華予兮鵲鳩鳴而不芳冀一年之二秀兮適白露之爲霜
時疊疊而代序兮疇可與乎比伉咨妬媿之難並兮想依韓
以流亡恐漸冉而無成兮畱則蔽而不彰心猶豫而狐疑兮
卽岐趾而臚情文君爲我端著兮利肥遞以保名歷衆山以
周流兮翼迅風以揚聲二女感於崇嶽兮或冰折而不管天
蓋高而爲澤兮誰云路之不平動自彊而不息兮蹈玉階之
嶢嶢懼茲氏之長短兮鑽東龜以觀禎遇九臯之介鳥兮怨

素意之不呈遊塵外而瞥天兮據冥翳而哀鳴鵬鷲競於貪
婪兮我修潔以益榮子有故於玄鳥兮歸母氏而後寧占既
吉而無悔兮簡元辰而傲裝旦余沐於清源兮晞余髮於朝
陽漱飛泉之漉液兮咀石菌之流英翺鳥舉而魚躍兮將往
走乎八荒過少暉之窮野兮問三丘于句芒何道真之淳粹
兮去穢累而影輕登蓬萊而容與兮鼈雖抃而不傾畱瀛洲
而採芝兮聊且以乎長生憑歸雲而遐逝兮夕余宿乎扶桑
飲青岑之玉醴兮餐沆瀣以爲糧發昔夢於木禾兮穀崑崙
之高岡朝吾行於暘谷兮從伯禹乎稽山嘉羣神之執玉兮
疾防風之食言指長沙以邪徑兮存重華乎南鄰哀一妃之
未從兮翩續處彼湘濱流日眺夫衡阿兮覩有黎之圯墳痛

火正之無懷兮託山坡以孤蒐愁鬱鬱以慕遠兮越卬州而
遊遨躋日中于昆吾兮憇炎火之所陶揚芒熛而絳天兮水
泣法而涌濤溫風翕其增熱兮怒鬱悒其難聊顛羈旅而無
友兮余安能乎畱茲顧金天而歎息兮吾欲往乎西嬉前祝
融而使舉麾兮纏朱鳥以承旗躔建木於廣都兮撫若華而
躊躇超軒轅於西海兮跨汪氏之龍魚聞此國之千歲兮曾
焉足以娛余思九土之殊風兮從葦收而遂徂歛神化而蟬
蛻兮朋精粹而爲徒蹶白門而東馳兮云台行乎中野亂弱
水之潺湲兮逗華陰之湍渚號馮夷俾清津兮擢龍舟以濟
予會帝軒之未歸兮悵倘佯而延佇泗河林之蓁蓁兮偉關
雎之戒女黃靈詹而訪命兮穆天道其焉如日近信而遠疑

分六籍闕而不書神達昧其難覆兮疇克謨而從諸牛哀病
而成虎兮雖逢昆其必噬鼈令瘞而尸亡兮取蜀禪而引世
死生錯其不齊兮雖司命其不聊寶號行於代路兮後膺祚
而繁廡王肆侈於漢庭兮卒銜恤而絕緒尉危眉而郎潛兮
遠三葉而遭武董弱冠而司袞兮設王隧而弗處夫吉凶之
相仍兮恒反側而靡所穆屆天以悅牛兮豎亂叔而幽主文
斷袪而忌伯兮闕謁賊而寧后通人闇於好惡兮豈昏惑而
能剖羸擿識而戒胡兮備諸外而發內或輦賄而違車兮孕
行產而爲對慎竈顯以言天兮占水火而妄誣梁叟患夫黎
丘兮丁厥子而判刃親所睨而弗識兮矧幽冥之可信無縣
攀以倖已兮思百憂以自疹彼天監之孔明兮用斐忱而祐

仁湯蠲體以禱祈兮蒙厖禡以拯民景三慮以營國兮發惑
次於他辰魏顥亮以從治兮鬼亢回以斃秦外繇邁而種德
兮樹德懋于英六桑末寄夫根生兮卉旣凋而已育有無言
而不酬兮又何往而不復盍遠迹以飛聲兮孰謂時之可蓄
仰矯首以遙望兮竟傲惘而無儔逼區中之隘陋兮將北度
而宣游行積冰之皚皚兮清泉汨而不流寒風淒其永至兮
拂穹岫之騷騷玄武縮于殼中兮騰蛇蜿而自糾魚矜鱗而
并凌兮鳥登木而失條坐太陰之屏室兮慨含歎而增愁怨
高陽之相寓兮佃顥瑱而宅幽庸織路於四裔兮斯與彼其
何瘳望寒門之絕垠兮縱余絲乎不周迅焱瀟其騰我兮鶩
翩飄而不禁越谿壩之洞穴兮漂通川之礚礚經重陰乎寂

冥兮。愍墳羊之深潛。追荒忽於地底兮。軼無形而土浮。出石
密之閭野兮。不識蹊之所由。速燭龍兮。執炬兮。過鍾山而中
休。瞰瑤谿之赤岸兮。弔祖江之見劉。聘王母於銀臺兮。羞玉
芝以療飢。戴勝愁其既歡兮。又謂余之行遲。載太華之玉女
兮。召洛浦之處妃。咸姣麗以盡媚兮。增媵眼而娥眉舒。耽
之纖腰兮。揚雜錯之桂徽。離朱唇而微笑兮。頰的皪以遺光。
獻環珉與琛縞兮。申厥好以玄黃。雖色豔而賂美兮。志浩蕩
而不嘉。雙材悲於不納兮。並詠詩而清歌。歌曰。天地細縵。百
卉含葩。鳴鶴交頸。睢鳩相和。處子懷春。精鬼回移。如何淑明
忘我。實多將答賦而不暇兮。爰整駕而亟行。瞻崑崙之巍巍
兮。臨繁河之洋洋。伏靈龜以負坻兮。且螭龍之飛梁。登閬風

之層城兮。構不死而爲牀。牀屑瑤藥以爲糝兮。斟白水以爲漿。
抨巫咸以占夢兮。乃貞吉之元符。滋令德於正中兮。含嘉秀
以爲敷。旣垂穎而顧本兮。亦要思乎故居。安和靜而隨時兮。
姑純懿之所廬。戒庶僚以夙會兮。僉供職而並迓。豐隆軒其
震霆兮。列缺擘其照。夜雲師黶以交集兮。凍雨沛其灑。途轍
瑤輿而樹葩兮。擾應龍以服輅。百神森其備從兮。屯騎羅而
星布。振余袂而就車兮。修劔揭以低昂。冠岌岌其映蓋兮。佩
緜緜以輝煌。僕夫儼其正策兮。八乘騰而超驤。氛旄落以天
旋兮。蜺旌飄以飛颺。撫軫軼而還睨兮。心勺灑其若湯。羨上
都之赫戲兮。何迷故而不忘。左青瑀以犍芝兮。右素威以司
鉦。前長離使拂羽兮。後委水衡乎玄冥。屬箕伯以函風兮。澄

典恣而爲清曳雲旗之離離兮鳴玉鸞之譽譽涉清霄而升
遐兮浮蟻蠓而上征紛翼翼以徐戾兮焱回回其揚靈叫帝
關使闢扉兮覲天皇於瓊宮聆廣樂之九奏兮展洩洩以彤
彤考治亂於律均兮意建始而思終惟般逸之無斃兮懼樂
往而哀來素女撫絃而餘音兮太容吟曰念哉既防溢而靖
志兮迨我暇以翱翔出紫宮之肅肅兮集太微之闐闐命王
良掌策駟兮踰高閣之將將建罔車之幕幕兮獵青林之芒
芒鸞威弧之拔刺兮射嶧喙之封狼觀壁壘於北落兮伐河
鼓之磅礴乘天潢之汎汎兮浮雲漢之湯湯倚招搖攝提以
低回剡流兮察一紀五緯之綢繆適皇偃蹇天矯婉連卷兮
雜沓叢頌颺以方驤馘汨颺淚沛以罔象兮爛熳麗靡藐以

迭邊凌驚雷之硠礚兮弄狂電之淫裔踰瘡鴻於宥冥兮貫
倒景而高厲廓盪盪其無涯兮乃今窺乎天外據開陽而頽
眊兮臨舊鄉之諳諳悲離居而勞心兮情悵悵而思歸竟眷
眷而屢顧兮馬倚輈而徘徊雖遊娛以媮樂兮豈愁慕之可
懷出閭闔兮降天途乘焱忽兮馳虛無雲霏霏兮繞余輪風
眇眇兮震余旗繽連翩兮紛暗曖儵眩眩兮反常閭收疇昔
之逸豫兮卷淫放之遐心脩初服之娑娑兮長余佩之參參
文章負以燦爛兮美紛紜以從風御六藝之珍駕兮遊道德
之平林結典籍而爲罟兮毆儒墨而爲禽玩陰陽之變化兮
詠雅頌之徽音嘉會氏之歸耕兮慕歷改之嶽峯恭夙夜而
不貳兮固終始之所服夕惕若厲以省譽兮懼余身之未勅

荷中情之端直。今莫吾知。而不惡默無爲。以凝志。今與仁義
乎。逍遙不出戶。而知天下。今何必歷遠。以劬勞。系曰。天長地
遠。歲不留。俟河之清。祇懷憂。願得遠渡。以自娛。上下無常第。
六區超踰。騰躍絕。世俗飄飄。神舉逞。所欲天不可階。仙夫稀。
柏舟悄悄。吝不飛。松喬高跼。孰能離。結精遠遊。使心携。廻志
竭來。從玄謀。獲我所求。夫何思。

歸田賦

張衡

遊都邑以永久。無明畧以佐時。徒臨川以羨魚。俟河清乎未
期。感蔡子之慷慨。從唐生以決疑。諒天道之微味。追漁父以
同嬉。超埃塵以遐逝。與世事乎長辭。於是仲春令月。時和氣
清。原隰鬱茂。百草滋榮。王睢鼓翼。黃倉庚哀鳴。交頸頡頏。關關
嚶嚶。於焉逍遙。聊以娛情。爾乃龍吟方澤。虎嘯山丘。仰飛織
繳。俯釣長流。觸矢而斃。貪餌吞鈎。落雲間之逸禽。懸淵沈之
魴鱸。于時曜靈俄景。繼以望舒。極盤遊之至樂。雖日夕而忘
劬。感老氏之遺誡。將廻駕乎蓬廬。彈五絃之妙指。詠周孔之
圖書。揮翰墨以奮藻。陳三皇之軌模。苟縱心於域外。安知榮
辱之所如。

文選卷之三

